

首楞嚴三昧經

下

百七十三  
得七


44509

元祿九年丙子二月日重脩

皇圖鞏固 帝階級昌

佛日增輝 懺輪常轉

山城州天安寺法金剛院置





佛說首楞嚴三昧經卷下

姚秦三藏鳩摩羅什譯



得

堅意菩薩白佛言世尊如來住是首楞嚴三  
 昧能現幾所自在神力善哉世尊願少演說  
 佛言堅意我今住此首楞嚴三昧於此三千  
 大千世界百億四天下百億日月百億四天  
 王處百億忉利天百億夜摩天百億兜率陀  
 天百億化樂天百億他化自在天乃至百億  
 阿迦貳吒天百億須彌山王百億大海是名  
 三千大千世界堅意我住首楞嚴三昧於此  
 三千大千世界或於閻浮提現行檀波羅蜜  
 或於閻浮提現行尸波羅蜜或於閻浮提現



行羣提波羅蜜或於閻浮提現行毗梨耶波  
羅蜜或於閻浮提現行禪波羅蜜或於閻浮  
提現行般若波羅蜜或於閻浮提現為五通  
神仙或於閻浮提現在居家或於閻浮提現  
行出家或於四天下或現在兜率天一生補  
處或於四天下現為轉輪聖王或為釋提桓  
因或為梵王或為四天王或為夜摩天王或  
為兜率陀天王或為化樂天王或為他化自  
在天王或現長者或現居士或復現為小王  
大王或為刹利或為婆羅門或為菩薩或於  
四天下欲從兜率下生世間或現入胎或現  
處胎或現欲生或現生已行七步舉手自稱



天上天下唯我為尊或現處宮與姝女俱或  
現出家或現苦行或現取草或現坐道場或  
現降魔或現成佛或現觀樹王或現釋梵請  
轉法輪或現轉法輪或現捨壽或現入涅槃  
或現燒身或現全身舍利或現散身舍利或  
現法欲滅或現法已滅或現壽命無量或現

壽命短促或現國土無惡道名或現有諸惡  
道或現閻浮提清淨嚴飾如天宮殿或現弊  
惡或現上中下堅意是皆首楞嚴三昧自在  
神力菩薩示現入於涅槃不畢竟滅而於三  
千大千世界能現如是自在神力亦現如是  
諸莊嚴事堅意汝觀如來於此四天下轉法

輪餘閻浮提未成佛道或有閻浮提現入滅  
度是名首楞嚴三昧所入法門

尔時會中諸天龍夜叉輒闍婆等諸菩薩大  
弟子咸作是念釋迦牟尼佛但能於此三千  
大千世界有是神力於餘世界亦有是力時  
文殊師利法王子知衆會意欲斷所疑白佛  
言世尊我所遊行諸佛國土於是世界上過  
六十恒河沙土有佛世界名一燈明佛於其  
中爲人說法我至其所頭面禮足問言世尊  
号字何等我等云何奉持佛名彼佛答我汝  
詣釋迦牟尼佛自當答汝世尊彼佛國土功  
德莊嚴說之一劫猶不可盡復過於彼國



無有聲聞辟支佛名但有諸菩薩僧常說不退轉法輪唯願世尊說此佛名一燈明土講說法者

尔時佛告文殊師利法王子汝等善聽勿懷恐怖而生疑悔所以者何諸佛神力不可思議首楞嚴三昧勢力亦不可思議文殊師利彼一燈明土講說法者佛号示一切功德自在光明王文殊師利一燈明土示一切功德自在光明王佛則是我身於彼國土現佛神力我於彼土說不退轉法輪是我宿世所修淨土文殊師利汝今當知我於無量無邊百千万億那由他土盡有神力一切聲聞辟支

佛所不能知文殊師利此則皆是首楞嚴三昧勢力菩薩常於無量世界示現神變於此三昧而不動轉文殊師利譬如日月自於宮殿初不移動而現一切城邑聚落菩薩如是住首楞嚴三昧初不移動而能遍於無量世界示現其身隨衆所樂而爲說法

尔時衆會得未曾有皆大歡喜踊躍無量合掌恭敬及諸天龍夜叉乾闥婆阿脩羅迦樓羅緊那羅摩睺羅伽等以真珠華雜色妙華末香塗香散於佛上皆作諸天所有伎樂供養如來及諸弟子亦各脫上衣奉上於佛諸菩薩等以妙色華大如須弥并衆雜香末香



塗香珍寶瓔珞散於佛上皆作是言唯然世  
尊若有說首楞嚴三昧處其地則爲金剛若  
人得聞說是三昧信受讀誦爲人演說不驚  
不畏當知此人亦是金剛成不壞忍深住於  
信諸佛所護厚種善根得大善利降魔怨敵  
斷諸惡趣爲善知識之所守護世尊如我解  
佛所說義若有衆生聞是首楞嚴三昧即能  
信受讀誦解義爲人演說如說修行當知是  
人得住佛法畢定不退佛言如是如是如汝  
等說若人不厚種諸善根聞首楞嚴三昧不  
能信受少有衆生聞首楞嚴三昧能信受者  
多有衆生不能信受善男子人有四法聞

是三昧能得信受何等為四一者曾於過去  
諸佛聞是三昧二者為善知識所護深樂佛  
道三者善根深厚好樂大法四者身自得證  
大乘深法有是四法則能信受如是三昧善  
男子復有滿願阿羅漢及具足正見者信行  
見行者是人信順如來語故信是三昧而身

不證所以者何是三昧者一切聲聞辟支佛  
所不能通達况餘衆生介時長老摩訶迦葉  
白佛言世尊譬如從生盲人夢中得眼見種  
種色心大歡喜即於夢中與有眼者共住共  
語是人覺已不復見色我等亦介未聞是首  
楞嚴三昧時心懷歡喜謂得天眼與諸菩薩



共住共語論說義理世尊我今從佛聞是三  
昧不知其事如生盲人不能得知諸佛菩薩  
所行之法我等從今已往自視其身如生盲  
人於佛深法無有智慧不知不見世尊所行  
我等從今已往知諸菩薩真得天眼能得如  
是諸深智慧世尊若人無有薩婆若心誰當  
自謂我是智者我是福田佛言如是如是迦  
葉如汝所說菩薩所得諸深智慧聲聞辟支  
佛所不能及摩訶迦葉說是語時八千衆生  
皆發阿耨多羅三藐三菩提心

尔時堅意菩薩問文殊師利法王子言文殊  
師利所言福田云何名爲福田文殊師利言

有十法行名爲福田何等爲十位空無相無願解脫門而不入法位見知四諦而不證道果行八解脫而不捨菩薩行能起三明而行於三界能現聲聞形色威儀而不隨音聲從他求法現辟支佛形色威儀而以無礙辯才說法常在禪定而能現行一切諸行不離正道而現入邪道深貪染愛而離諸欲一切煩惱入於涅槃而於生死不壞不捨有是十法當知是人真實福田今時堅意菩薩問須菩提言長老須菩提世尊說汝第一福田汝爲得在是十法不須菩提言我於是法尚無其一何但有十堅意言汝以何名第一福田須



菩提言我不於佛諸菩薩中第一福田佛說  
我於聲聞辟支佛中第一福田堅意譬如邊  
地小王亦名爲王若轉輪聖王至於邊地諸  
小王等不名爲王尔時唯有轉輪聖王聖王  
威德殊妙勝故堅意隨有國土城邑聚落無  
菩薩處我於其中得爲福田若有佛處有大  
菩薩我於其中不名福田諸菩薩等有薩婆  
若心是故勝我尔時佛讚須菩提言善哉善  
我如汝所說是無增上慢大弟子之所言也  
堅意菩薩復問文殊師利法王子言文殊師  
利所說多聞云何名爲多聞文殊師利言若  
人得聞一句之法即解其中千万億義百千万

劫數演解說智慧辯才不可窮盡是名多聞  
復次堅意菩薩若聞十方無量諸佛所說盡  
能受持無有一句先所不聞凡所聞者皆是  
先聞隨所聞法能持不忘爲衆生說而無衆  
生身與衆生及所說法無有差別是名多聞  
亦時會中有菩薩天子名淨月藏作是念佛  
說阿難於多聞中爲最第一如文殊師利所  
說多聞阿難今者寧有是不作是念已問阿  
難言如來說汝於多聞中爲最第一汝之多  
聞寧如文殊師利所說者不阿難荅言如文  
殊師利所說多聞我無是事淨月藏言如來  
云何常稱說汝於多聞中爲最第一阿難荅



言佛諸弟子隨逐音聲而得解脫於是人中  
說我第一非謂我於無量智海無等大慧無  
礙辯才諸菩薩中多聞第一天子譬如以有  
日月光明闇浮提人見諸形色得有所作我  
亦如是但以如來智慧光明得受持法我於  
其中自無有力當知皆是如來神力

尔時世尊讚阿難言善哉善哉如汝所說汝  
所受持誦念諸法當知則是如來神力尔時  
佛告淨月藏言阿難所持諸法甚少所不誦  
者無量無邊天子我於道場所傳諸法百千  
億分不說其一我所說者阿難於中百千億  
分不持其一天子如來但於一日一夜十方

世界諸釋梵王護世天王天龍夜叉乾闥婆  
等天子菩薩與之說法以智慧力而作偈頌  
說修多羅因緣譬喻衆生所行諸波羅蜜及  
說聲聞辟支佛乘佛無上乘攝大乘法毀訾  
生死稱讚涅槃假使閻浮提內所有衆生成就  
多聞皆如阿難於百千劫不能受持天子以  
是因緣當知如來所說諸法無量無邊阿難  
所持甚爲少耳尔時淨月藏天子即以十萬  
七寶華蓋奉上如來其蓋即時遍住虛空所  
覆衆生皆作金色奉上蓋已作如是言唯然  
世尊願以是福普使衆生辯才說法當如世  
尊能受持法如文殊師利法王子時佛知是



菩薩天子深樂佛道與受阿耨多羅三藐三  
菩提記而作是言今是天子過四百四十萬  
劫當得作佛号一寶盖國名一切衆寶莊嚴  
說是法時二百菩薩生懈怠心諸佛世尊其  
法甚深阿耨多羅三藐三菩提如是難得我  
等不能具足是事不如但以辟支佛乘入於  
涅槃所以者何佛說菩薩若有退轉或作辟  
支佛或作聲聞

尔時文殊師利法王子知此二百菩薩有懈  
退心欲還發起令得阿耨多羅三藐三菩提  
亦欲教化會中天龍夜叉乾闥婆阿脩羅迦  
樓羅緊那羅摩睺羅伽等故白佛言出尊我

念過去劫名照明我於其中三百六十億世  
以辟支佛乘入於涅槃爾時一切衆會心皆  
生疑若入涅槃不應復還生死相續今文殊  
師利何故作如是言世尊我念過世劫名照  
明我於其中三百六十億世以辟支佛乘入  
於涅槃是事云何爾時舍利弗承佛神旨白  
佛言世尊若人已得入於涅槃不應復有生  
死相續云何文殊師利入涅槃已還復出生  
佛言汝可問之文殊師利自當答汝時舍利  
弗問文殊師利言若人已得入於涅槃於諸  
有中不復相續汝今云何而作是說世尊我  
念過去照明劫中三百六十億世以辟支佛



乘入於涅槃此義云何文殊師利言如來現  
在是一切智者一切見者真實語者不欺誑  
者世間天人無能誑者我所說者佛自證知  
我若異說則為誑佛舍利弗彼時照明劫中  
有佛出世号曰弗沙利益世間諸天人已入  
於涅槃是佛滅後法住十萬歲法滅之後其  
中衆生於辟支佛有度因緣假使百千億佛  
為之說法不信不受唯皆可以辟支佛身威  
儀法則而得度脫是諸衆生皆共志求辟支  
佛道是時無有辟支佛出是諸衆生無處得  
種善根因緣我於尔時為教化故自稱我身  
是辟支佛隨諸國土城邑聚落皆知我身是

辟支佛我時皆為現辟支佛形色威儀是諸  
衆生深心恭敬皆以飲食供養於我我受食  
已觀其本緣所應聞法為解說已身飛虛空  
猶如鴈王是時衆生皆大歡喜以恭敬心頭  
面禮我而作是言願使我等於未來出世皆得  
法利如今是人舍利弗以是因緣成就無量

無數衆生令種善根我時觀察知諸人衆供  
養我食生懈厭心即時告言我涅槃時至百  
千衆生聞是語已各持華香雜香蘇油來至  
我所我於今時入滅盡定以本願故不畢竟  
滅是諸衆生謂我命終供養我故以香薪積  
而燒我身謂我實滅我時復至異國大城自



稱我是辟支佛身其中衆生亦以飲食來供  
養我我於其中示入涅槃亦謂我滅皆來供  
養共燒我身如是舍利弗我於今時滿一小  
劫三百六十億世作辟支佛身示入涅槃於  
諸大城一一皆以辟支佛乘度脫三十六億  
衆生舍利弗菩薩如是以辟支佛乘入於涅  
槃而不永滅

文殊師利說是語時三千大千世界六種震動  
光明遍照千億衆生諸天供養文殊師利法王  
子雨諸天華皆作是言是實希有我等今日  
得大善利見佛世尊及見文殊師利法王子  
又聞說是首楞嚴三昧世尊文殊師利法王

子成就如是未曾有法住何三昧能現如是  
未曾有法佛告諸天文殊師利法王子住首  
楞嚴三昧能作如是希有難事菩薩住此三  
昧為作信行而不隨他信亦作法行而於法  
相轉於法輪不退不失亦作八人於諸無量  
阿僧祇劫為八邪者而行於道作須陀洹為  
生死水漂流眾生不入法位作斯陀含遍現  
其身於諸世間作阿那含亦復來還教化眾  
生作阿羅漢亦常精進求學佛法亦作聲聞  
以無礙辯為人說法作辟支佛為欲教化因  
緣眾生示入涅槃三昧力故還復出生諸天子  
菩薩住是首楞嚴三昧皆能遍行諸賢聖行



亦隨其地有所說法而不住中諸天聞佛說  
如是義悉皆涕淚而作是言世尊若人已入  
聲聞辟支佛位永失是首楞嚴三昧世尊人  
寧作五逆重罪得聞說是首楞嚴三昧不入  
法位作漏盡阿羅漢所以者何五逆罪人間  
是首楞嚴三昧發阿耨多羅三藐三菩提心  
已雖本罪緣墮在地獄聞是三昧善根因緣  
還得作佛世尊漏盡阿羅漢猶如破器永不  
堪任受是三昧世尊譬如有人施蘇油蜜多  
有人衆持種種器中有一人用心不固破所  
持器雖詣所施蘇油蜜所無所能益但得自  
飽不能持還施與餘人是中有人持器完堅

既得自飽亦持滿器施與他人蘇油蜜者是  
佛正法所持器破但得自足不能持還施他  
人者即是聲聞及辟支佛持完器者即是菩  
薩身自得足亦能持與一切衆生是時二百  
天子心欲退轉於阿耨多羅三藐三菩提者  
從諸天子聞是語已及聞文殊師利法王子  
不可思議功德勢力更以深心發阿耨多羅  
三藐三菩提不復隨先退轉之心皆白佛言  
我等乃至危宮失命不捨是心亦終不捨一  
切衆生世尊唯願我等聞是首楞嚴三昧善  
根因緣當得菩薩十力何等十於菩提心得  
堅固力於不可思議佛法得深信力多聞得



不忘力往來生死得無疲力於諸衆生得堅  
固大悲力於布施中得堅捨力於持戒中得  
不壞力於忍辱中得堅受力魔不能壞得智  
慧力於諸深法得信樂力尔時佛告堅意菩  
薩若有衆生於今現在若我滅後聞是首楞  
嚴三昧能信樂者當知是人悉皆得是菩薩

十力尔時會中有菩薩名曰名意白佛言出  
尊若欲得福者應供養佛欲得慧者應勤多  
聞欲生好處應勤持戒欲大富者應加布施  
欲得妙色者應修忍辱欲得辯才者應敬師  
長欲得陀羅尼者應離增上慢欲得智者應  
修正憶念欲得樂者應捨一切惡欲利益衆

生者應發菩提心欲得妙音聲者應修實語  
欲得功德者應樂遠離欲求法者應近善知  
識欲坐禪者應離憤鬧欲思慧者應修思惟  
欲生梵世者應修無量心欲生天人應修十  
善世尊若人欲得福德者欲得慧者欲生好  
處者欲大富者欲妙色者欲辯才者欲陀羅  
尼者欲得智者欲得樂者欲利益衆生者欲  
妙音聲者欲功德者欲求法者欲坐禪者欲  
思慧者欲生梵世者欲生天人者欲得涅槃  
者欲得一切功德者當聞首楞嚴三昧受持  
讀誦爲他人說如說修行世尊菩薩云何修  
是三昧佛言名意菩薩若能觀諸法空無所



障礙念念滅盡離於憎愛是名修是三昧復  
次名意學是三昧不以一事所以者何隨諸  
衆生心心所行是三昧者有是諸行隨諸衆  
生心心所入是三昧者有是諸入隨諸衆生  
諸根入門是三昧者有是入門隨諸衆生所  
有名色得是三昧菩薩亦示若干名色能如  
是知是名修是三昧隨一切佛名色相貌得  
是三昧菩薩亦示若干名色相貌能如是知  
是名修是三昧隨見一切諸佛國土菩薩亦  
自成是國土是名修是首楞嚴三昧名意菩  
薩白佛言世尊是三昧者修行甚難佛告名  
意以是事故少有菩薩住是三昧多有菩薩

行餘三昧

尔時名意菩薩白佛言世尊此弥勒菩薩一  
生補處次於世尊當得阿耨多羅三藐三菩  
提弥勒得是首楞嚴三昧耶佛言名意其諸  
菩薩得住十地一生補處受佛正位悉皆得  
是首楞嚴三昧弥勒菩薩即時示現如是神  
力名意菩薩及諸衆會見此三千大千世界  
諸閻浮提其中皆是弥勒菩薩或見在天上  
或見在人間或見出家或見在家或見侍佛  
皆如阿難或見智慧第一如舍利弗或見神  
通第一如目捷連或見頭陀第一如大迦葉  
或見說法第一如富樓那或見樂戒第一如



羅睺羅或見持律第一如優波離或見天眼  
第一如阿那律或見坐禪第一如離婆多如  
是一切諸第一中皆見弥勒或見入諸城邑  
聚落乞食或見說法或見坐禪名意菩薩及  
諸大衆一切皆見弥勒菩薩現首楞嚴三昧  
神通勢力見已即大歡喜白佛言世尊譬如  
真金雖復鍛磨不失其性是諸大士亦復如  
是隨所試處皆能示現不思議法性尔時名  
意菩薩白佛言世尊我謂菩薩若能通達首  
楞嚴三昧當知通達一切道行於聲聞乘辟  
支佛乘及佛大乘皆悉通達佛言如是如是  
如汝所說菩薩若能通達首楞嚴三昧則能

通達一切道行

尔時長老摩訶迦葉白佛言世尊我謂文殊  
師利法王子曾於先世已作佛事現坐道場  
轉於法輪示諸衆生入大滅度佛言如是如  
是如汝所說迦葉過去久遠無量無邊不可  
思議阿僧祇劫尔時有佛号龍種上如來應  
供正遍知明行足善逝世間解無上士調御  
丈夫天人師佛世尊於此世界南方過於千  
佛國土國名平等無有山河沙礫瓦石丘陵  
埠阜地平如掌生柔濡草如迦陵伽龍種上  
佛於彼世界得阿耨多羅三藐三菩提初轉  
法輪教化成就七十億數諸菩薩衆八十億



人成阿羅漢九萬六千人住辟支佛因緣法  
中其後續有無量聲聞僧迦葉龍種上佛壽  
命四百四十萬歲度天人已入於涅槃散身  
舍利流布天下起三十六億塔衆生供養其  
佛滅後法十萬歲龍種上佛臨欲涅槃與智  
明菩薩受記勅言此智明菩薩次於我後當  
得阿耨多羅三藐三菩提亦号智明迦葉汝  
謂尔時平等世界龍種上佛豈異人乎勿生  
此疑所以者何即文殊師利法王子是迦葉  
汝今且觀首楞嚴三昧勢力諸大菩薩以是  
力故示現入胎初生出家詣菩提樹坐於道  
場轉妙法輪入般涅槃分布舍利而亦不捨

菩薩之法於般涅槃不畢竟滅

尔時長老摩訶迦葉語文殊師利言仁者乃  
能施作如此希有難事示現衆生文殊師利  
言迦葉於意云何是者闍崛山誰之所造是  
世界者亦從何出迦葉荅言文殊師利一切  
世界水沫所成亦從衆生不可思議業因緣  
出文殊師利言一切諸法亦從不可思議業  
因緣有我於是事無有功力所以者何一切  
諸法皆屬因緣無有主故隨意所成若能解  
此所爲不難迦葉若人未見四諦聞如是事  
能信解者此則爲難見四諦已得諸神通聞  
此能信不疑爲難



尔時世尊身昇虛空高七多羅樹結跏趺坐身  
出光明遍照十方無量世界一切衆會皆見  
十方無量諸佛悉皆說是首楞嚴三昧不增  
不減悉遙得聞十方諸佛亦昇虛空高七多  
羅樹結跏趺坐身放光明遍照十方無量世  
界彼諸衆生亦見釋迦牟尼佛身昇虛空結  
跏趺坐彼諸衆會悉皆以華遙散釋迦牟尼  
佛皆見衆華於上空中合成華盖此土菩薩  
及諸天龍夜叉乾闥婆等悉亦以華散彼諸  
佛皆於佛上化成華盖

尔時釋迦牟尼佛還攝神足坐於本座告堅  
意言是爲如來神通之力爲令衆生功德增

益是故如來示現是事佛現神通力時八千  
天人發阿耨多羅三藐三菩提心又說是首  
楞嚴三昧垂欲竟時堅意菩薩及五百菩薩  
得首楞嚴三昧悉皆得見十方諸佛所有神  
力於佛深法得智光明住第十地受佛職位  
三千大千世界六種震動放大光明遍照世  
界千万伎樂同時俱作諸天空中兩種種種華  
尔時佛告阿難汝當受是首楞嚴三昧持諷  
誦讀廣為人說時持須弥山頂釋白佛言世  
尊阿難智慧憶念有量聲聞入者隨他音聲  
何故以是三昧法寶囑累阿難持須弥山頂  
釋發至誠言若能於今世來世廣宣流布



是寶三昧無有虛者於此耆闍崛山中樹悉  
皆當如佛菩提樹其諸樹下皆有菩薩持須  
彌山頂釋作是語已即見諸樹如菩提樹一  
一樹下皆見菩薩諸菩提樹皆出是言如持  
須彌山頂釋所言為實是人必能令此三昧  
廣宣流布

尔時諸天龍神夜叉軋闍婆等同聲白佛言  
世尊假使如來住壽一劫不為餘事以聲聞  
乘為人說法一一說法皆悉如初轉法輪時  
所度衆生說是首楞嚴三昧所度衆生此則  
為勝所以者何是諸衆生皆以聲聞乘度於  
菩薩乘百分不及一百千万億分乃至筭數

譬喻所不能及如是首楞嚴三昧有是無量  
勢力能成就諸菩薩使得具足佛法

尔時堅意菩薩白佛言世尊實壽幾何幾時  
當入畢竟涅槃佛言堅意東方去此世界三  
万二千佛土國名莊嚴是中有佛号照明莊  
嚴自在王如來應供正遍知明行足善逝世  
間解無上士調御丈夫天人師佛世尊今現  
在說法堅意如照明莊嚴自在王佛壽命我  
所壽命亦復如是世尊是照明莊嚴自在王  
佛壽命幾所佛告堅意汝自往問自當答汝  
即時堅意承佛神力又以首楞嚴三昧力故  
及自善根神通力故如一念頃到彼莊嚴世



界頭面禮彼佛足右遶三匝却住一面向佛  
言世尊壽命幾時當入涅槃彼佛答言如彼  
釋迦牟尼佛壽命我所壽命亦復如是堅意  
汝欲知者我壽七百阿僧祇劫釋迦牟尼佛  
壽命亦尔

尔時堅意菩薩心大歡喜即還娑婆世界白  
佛言世尊彼照明莊嚴自在王佛壽七百阿  
僧祇劫而告我言如我壽命釋迦牟尼佛壽  
命亦復如是尔時阿難從座而起偏袒右肩  
合掌向佛白佛言世尊如我解佛所說義我  
謂世尊於彼莊嚴世界以異名字利益衆生  
尔時世尊讚阿難言善哉善哉汝以佛力能

知是事彼佛身者即是我身以異名字於彼  
說法度脫衆生阿難如是神通自在力者皆  
是首楞嚴三昧勢力尔時佛告堅意菩薩堅  
意以是事故當知我壽七百阿僧祇劫乃當  
畢竟入於涅槃時會大衆聞佛所說壽命如  
是不可思議皆大歡喜得未曾有白佛言世  
尊諸佛神力至未曾有一切所行不可思議  
於此現壽如是短命而實於彼七百阿僧祇  
劫世尊願使一切衆生具足如是不可思議  
壽命尔時世尊復告堅意是首楞嚴三昧隨  
在郡國城邑聚落精舍空林其中諸魔魔民  
不得其便



又告堅意若有法師書寫讀誦解說是首楞嚴三昧於人非人無有恐怖復得二十不可思議功德之分何等二十福德不可思議其智不可思議其慧不可思議方便不可思議辯才不可思議法明不可思議摠持不可思議法門不可思議憶念隨義不可思議諸神通力不可思議分別衆生諸所語言不可思議深解衆生心之所樂不可思議得見諸佛不可思議所聞諸法不可思議教化衆生不可思議自在三昧不可思議成就淨土不可思議形色最妙不可思議功德自在不可思議修治諸波羅蜜不可思議得不退轉佛法

不可思議是爲二十堅意若人書寫讀誦是  
首楞嚴三昧得是二十不可思議功德之分  
是故堅意若人欲得今世來世諸利當書寫  
讀誦解說修行是首楞嚴三昧堅意若求佛  
道善男子善女人於十萬劫勤心修行六波  
羅蜜若有聞是首楞嚴三昧即能信受心不  
退沒不驚不畏福勝於彼疾至阿耨多羅三  
藐三菩提何況聞已受持讀誦如說修行爲  
人解說

若有菩薩欲聞諸佛不思議法不驚不畏欲  
於一切諸佛法中現了自知不從他教應當  
修習行是三昧若欲得聞所未聞法信受不



逆應當聞是首楞嚴三昧說是首楞嚴三昧  
經時無量衆生發阿耨多羅三藐三菩提心  
復倍是數住阿惟越致地復倍是數得無生  
法忍万八千菩薩得是首楞嚴三昧万八千  
比丘比丘尼不受諸法故漏盡解脫得阿羅  
漢二万六千優婆塞優婆夷於諸法中得法  
眼淨三十那由他諸天得入聖法佛說經已  
文殊師利法王子堅意菩薩等一切諸菩薩  
摩訶薩及諸聲聞大弟子一切諸天龍神軋  
闍婆阿脩羅等世間人民聞佛所說歡喜信  
受

佛說首楞嚴三昧經卷下

得

訾

口二同音也

紫

薪

下

子

智

反

一

涕

淚

體上

音

替音

完

全戶

也官

反

憤

鬧

上

俱

妹

反

鍛

上

丁

鍊

礫

音

堆埠

下上


音丁

婦

反







第8册

